

*BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA*



IZVJEŠTAJ
*o ostvarivanju politike jedinice lokalne samouprave i
radu Općinskog načelnika za 2019. godinu*

Bosanska Krupa, januar 2019. godine

S A D R Ž A J

1. Uvod	3
2. Aktivnosti općine Bosanska Krupa i općinskog načelnika u 2019. g.	4
3. Budžet i finansije	6
4. Lokalna uprava.....	7
5. Lokalni ekonomski razvoj i poljoprivreda	10
6. Obrazovanje, sport, kultura, mladi i NVO sektor.....	12
7. Infrastruktura - projekti	16
8. Javnost i transparentnost rada	21
9. Zaključak	22

**JEDINSTEVENI OPĆINSKI ORGAN UPRAVE
OPĆINE BOSANSKA KRUPA**

Na osnovu člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) i člana 45. tačka 13. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj 10/17) Općinski načelnik općine Bosanska Krupa, Općinskom vijeću podnosi:

I Z V J E Š T A J

o ostvarivanju politike jedinice lokalne samouprave i radu Općinskog načelnika za 2019. godinu

I U V O D

Izvještaj o ostvarivanju politike jedinice lokalne samouprave i radu Općinskog načelnika za 2019. godinu izrađen je u skladu sa odredbom člana 22. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09) prema kojoj: „Načelnik dužan je da redovno informiše vijeće o ostvarivanju politike jedinice lokalne samouprave“...., člana 27. stav 1. tačka i) Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11) kojim je određeno: „podnosi izvještaj vijeću o ostvarivanju politike jedinice lokalne samouprave i svom radu,“ ..., i člana 45. tačka 13. Statuta Općine Bosanska Krupa - prečišćen tekst 1 („Službeni glasnik Općine Bosanska Krupa“, broj: 10/17) Programom rada Općinskog načelnika za 2018. godinu i Programa rada Općinskog vijeća za 2018. godinu, a u cilju poštivanja ustavnosti, zakonitosti i javnosti u provođenju općinske politike, načelnik Općine dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova kantonalne uprave.

Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH, te Zakon o lokalnoj samoupravi Unsko-sanskog kantona jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost nekoj drugoj vlasti na osnovu Ustava i zakona. U cilju poštivanja ustavnosti, zakonitosti i javnosti u provođenju općinske politike, načelnik Općine Bosanska Krupa dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti. Radom Jedinstvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Jedinstveni općinski organ uprave Općine Bosanska Krupa,

kojom rukovodi Općinski načelnik, je organizovan je u 8 (osam) općinskih službi za upravu i to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspeksijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Rukovođenje Jedinstvenim organom uprave, Općinski načelnik ostvaruje putem šefova službi, koji neposredno rukovode službama za upravu. U izvještajnom periodu aktivnosti Općinskog načelnika i Jedinstvenog općinskog organa uprave Općine Bosanska Krupa bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo. Službe su u svim oblastima kontinuirano radili na sprovođenju utvrđene politike i neposrednom izvršavanju zakona, podzakonskih akata, drugih propisa i općih akata, rješavali u upravnim stvarima, vodili propisane evidencije i izdavali druge isprave, pružali pravnu pomoć u ostvarivanju i zaštiti prava građana, te obavljali druge stručne i upravne radnje. Pored toga posebna pažnja je posvećena razvojnim projektima, te stvaranju uslova za otvaranje novih i dovršenje započetih projekata, kroz stalno praćenje stanja u pojedinim oblastima. Također, službe su u okviru nadležnosti i pozitivnih zakonskih propisa usmjerile svoj rad na sljedeće poslove i zadatke: izvršavanje zakona i drugih propisa iz oblasti za koje su formirane, sprovodile utvrđenu politiku, rješavale u upravno-pravnim stvarima, vršile analitičko praćenje stanja iz svojih nadležnosti, vršile inspeksijski nadzor iz nadležnosti Općine, te se starale se o izvršavanju i realizaciji Budžeta Općine.

II AKTIVNOSTI OPĆINE BOSANSKA KRUPA I OPĆINSKOG NAČELNIKA U 2019. GODINI

Polazeći od utvrđenog Programa rada, te od normativnog sadržaja nadležnosti Načelnika kao izvršnog organa, ovaj izvještaj predstavlja pregled aktivnosti koje su se poduzele u 2019. godini. Tačnije, prikazane su glavne aktivnosti u radu Načelnika prema područjima djelovanja i djelokruga izvršnih poslova. Izvještaj za 2019. godinu je rađen u cjelovitom obliku sa informacijama na godišnjem nivou iz različitih područja djelovanja. O svakoj od oblasti bi se moglo još mnogo reći, a s druge strane ima područja ili aktivnosti koje su važne za život svih nas, a nisu u Izvještaju ili zbog stvarne nadležnosti lokalne samouprave i Načelnika ili ograničenosti Izvještaja. Na kraju, nema definisane forme za ovakve izvještaje, kao što ni sama forma ne znači mnogo, ukoliko neko želi ili ne želi iz iste isčitati ili prepoznati suštinu.

Rad Općinskog načelnika u izvještajnom periodu odnosio se na ostvarivanje obaveza koje proizlaze iz njegove funkcije usmjeravanja i usklađivanja rada organa uprave, nadzorne funkcije nad radom organa lokalne uprave, odgovornosti za izvršavanje zakona, odluka i drugih akata koje donosi Općinsko vijeće, provođenja strateških dokumenata i drugih razvojnih planova i programa, kao i predlaganja realne politike u ostvarivanju funkcija lokalne samouprave.

Općinski načelnik je u toku izvještajnog perioda, u okviru svog djelokruga, obavljao izvršne poslove iz samoupravnog djelokruga općine koji su mu povjereni zakonom, utvrđivao je prijedloge općih akata koje donosi Općinsko vijeće, davao mišljenje o prijedlozima odluka i drugih akata, izvršavao i osiguravao izvršavanje općih akata općinskog vijeća, prostornih i urbanističkih planova te drugih akata Općinskog vijeća, upravljao nekretninama i pokretninama u vlasništvu Općine kao i prihodima i rashodima Općine, utvrdio način godišnjeg budžeta Općine, usmjeravao djelovanje Jedinog općinskog organa uprave u obavljanju poslova iz samoupravnog djelokruga Općine, nadzirao njihov rad, te obavljao i druge poslove u skladu sa zakonom, statutom Općine i aktima Vijeća. Prilikom realizacije programskih zadataka pridržavao sam se Ustava, zakona, Statuta Općine Bosanska Krupa, odluka i stavova Općinskog vijeća Bosanska Krupa.

Općinski načelnik, pomoćnici načelnika, šefovi službi, direktori javnih preduzeća i javnih ustanova, uz dobru saradnju sa općinskim vijećnicima, a svako u okviru svojih nadležnosti, sudjelovali su u izvještajnom periodu u oblikovanju i realizaciji postojećih, ali i nizu novih projekata, a sve u cilju stvaranja boljeg standarda građana. S tim u vezi, doneseno je niz odluka, pokrenuto i realizirano niz projekata, o čemu se više detalja nalazi u nastavku izvještaja.

Programom rada Općinskog načelnika za 2019. godinu utvrđeni ključni ciljevi su uspješno realizovani. Izvršeni su i najvažniji zadaci općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima sam se zajedno sa svojim saradnicima, državnim službenicima i zaposlenicima neposredno angažovao.

Pored propisanih i programom utvrđenih zadataka i obaveza, prioritet u radu bilo je kontinuirano djelovanje na unapređenju poslovanja, te što kvalitetnijem i efikasnijem komuniciranju i rješavanju zahtjeva građana. Kroz nadležnosti načelnika u obavljanju poslova iz zakonom određenog samoupravnog djelokruga u nastavku ovog izvještaja daje

se pregled izvršenih poslova, a koje se odnose na oblast lokalne uprave, Obrazovanje, sport, kultura, mladi i NVO sektor, Civilno društvo i Kapitalni projekti i infrastruktura.

Ovaj izvještaj zapravo sadrži samo dio informacija rada općinskog načelnika, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su izvještaju o radu Jedinственог općinskog organa uprave Općine Bosanska Krupa i izvještajima koje tokom godine razmatra Općinsko vijeće (izvještaji o izvršenju Budžeta, informacija o realizaciji Strategije općine Bosanska Krupa, izvještaji javnih ustanova i javnih preduzeća). U svim ovim izvještajima i informacijama sadržane su informacije o ostvarenju općinske politike u različitim oblastima.

Aktivnosti Općinskog načelnika i Jedinственог općinskog organa uprave Općine Bosanska Krupa u 2019. godini bile su usmjerene u slijedećim pravcima:

III BUDŽET I FINANSIJE

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet Općine Bosanska Krupa, te kroz njegovu dosljednu i stabilnu realizaciju. Svi budžetski dokumenti su blagovremeno pripremljeni, podneseni i usvojeni. U Općini Bosanska Krupa Budžet za 2019. godinu je usvojen u mjesecu decembru 2019. godine.

Budžet i izvještaj o izvršenju budžeta su objavljeni i nalaze se na web stranici Općine. Kroz budžet su realizovane i započete aktivnosti na infrastrukturnim projektima, a njegovom realizacijom je obezbijedeno funkcionisanje organa uprave, zadovoljenje općedruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, poljoprivredi, osnovnim školama, đacima, studentske stipendije, te respektabilna kapitalna ulaganja. Prema periodičnim izvještajima o izvršenju budžeta za 2019. godinu, a koji su usvojeni od strane Općinskog vijeća, izvršenje budžeta je islo planiranom dinamikom. Procjena izvršenja Budžeta do kraja izvještajne godine je da će biti ostvaren suficit, odnosno veće izvršenje prihoda u odnosu na rashode.

Bez obzira na brojne poteškoće, uspjeli smo uskladiti trošenje sredstava sa prilivom prihoda, te redovno izvršavati svoje obaveze, što je rezultat kontinuirane štednje i racionalne potrošnje budžetskih sredstava. I dalje smo nastavili sa posvjećivati maksimalnu pažnju budžetskoj disciplini i uspostavljanju sistema kontrole finansijskog poslovanja, te transparentnosti rada organa uprave u svim vidovima. Sve glavne prioritete u rashodima Općina Bosanska Krupa je realizirala. Općinska administracija se kontinuirano pridržava usvojenog Programa mjera štednje, kojim je propisana disciplina u trošenju i savjestan odnos prema budžetskim sredstvima, a i dalje su zastupljene uštede u svim segmentima. Redovno se podnosi i objavljuje detaljan izvještaj o utrošku tekuće budžetske rezerve, što je odraz opće opredijeljenosti da se osigura puna transparentnost utroška budžetskog novca. Realizacija Budžeta Općine Bosanska Krupa za 2019. godinu, u smislu prihoda i rashoda, će biti obuhvaćena izvještajem o izvršenju budžeta za prethodnu godinu, koji će se dostaviti Općinskom vijeću u roku iz člana 90. Zakona o budžetima u Federaciji Bosne i Hercegovine, a koji će sadržavati elemente propisane članom 97. navedenog Zakona.

Općina Bosanska Krupa je u 2019. godini provela 126 postupka javnih nabavki u otvorenim, konkurentskim, direktnim i pregovaračkim postupcima u skladu sa Zakonom o javnim nabavkama BiH („Službeni glasnik BiH", broj: 39/14). Od toga su okončana 126 postupka sa ukupno ugovorenom vrijednosti od 1.489.860,54 KM bez PDV-a.

IV LOKALNA UPRAVA

Jedinstveni općinski organ uprave Općine Bosanska Krupa, kojom rukovodi Općinski načelnik, je organizovan je u 8 (osam) općinskih službi za upravu i to: Kabinet općinskog načelnika, Služba za prostorno uređenje, imovinsko – pravne i geodetske poslove, Služba za komunalne djelatnosti, vode, zaštitu okoliša i inspeksijske poslove, Služba za zajedničke poslove, civilnu i protupožarnu zaštitu, Služba za finansije, Služba za opću upravu i društvene djelatnosti, Služba za obrt, poljoprivredu i poduzetništvo i Služba za upravljanje razvojem.

Općina Bosanska Krupa je krajem 2019. godine imala 93 zaposlena radnika

Status	Spolna struktura		Ukupno
	M	Ž	
1. Državni službenici	12	26	38
2. Namještenici	30	25	55

U oblasti ljudskih resursa, može se reći da je stanje zadovoljavajuće. Izvršeni poslovi realizovani su sa postojećim materijalno tehničkim sredstvima. U izvještajnoj godini kontinuirano se radilo na poboljšanju u organizaciji i funkcionisanju općinske uprave u skladu sa evropskim standardima.

U toku izvještajnog perioda nije se donosio novi Pravilnik o unutrašnjoj organizaciji i sistematizaciji radnih mjesta Jedinstvenog općinskog organa uprave Općine Bosanska Krupa, vršene su izmjene i dopune postojećeg Pravilnika. Ukupno je sistematizovano 120 radnih mjesta, od toga popunjenih je 93, upražnjenih 27. Broj novoupošlenih državnih službenika putem javnog konkursa na neodređeno vrijeme je 3 (tri).

Tokom 2019. godine primljen je jedan državni službenik na radno mjesto stručni saradnik za geodetsko-katastarske poslove u Službi za prostorno uređenje, imovinsko-pravne i geodetske poslove Jedinstvenog općinskog organa uprave općine Bosanska Krupa na određeno vrijeme u trajanju od jedne godine i jedan namještenik na radno mjesto pomoćni radnik-radnica na održavanju čistoće u Službi za civilnu i protupožarnu i zajedničke poslove u trajanju od jedne godine.

Tokom izvještajnog perioda vršeno je ocjenjivanje državnih službenika i namještenika za period od 1.12.2018. do 30.12.2019. godine, te shodno tome jednom su donesena Rješenja o ocjenjivanju državnih službenika i namještenika, te je Izvještaj o ocjenjivanju dostavljen Agenciji u skladu sa Pravilnikom.

U toku izvještajnog perioda državni službenici su prisustvovali obukama stručnog usavršavanja i osposobljavanja organizovanim od strane Agencije za državnu službu FBiH. Također su matičari Jedinstvenog općinskog organa uprave općine Bosanska Krupa

prisustvovali na četiri obuke organizovane od strane Službe za opću upravu i društvene djelatnosti, a u skladu sa Planom i programom stručne obuke i osposobljavanja matičara u Službi za opću upravu i društvene djelatnosti u 2019. godini. Čime je u potpunosti omogućeno građanima i pravnim licima da što efikasnije i jednostavnije ostvaruju svoja prava i izvršavaju svoje obaveze, poboljšali smo protok informacija unutar administracije, te prema građanima i poslovnim subjektima.

U toku 2019. godine proveden je postupak penzionisanja sedam uposlenika, od toga jedan državni službenik i 6 namještenika, a zbog navršenih 65 godina života i najmanje 20 godina staža osiguranja, odnosno navršenih 40 godina staža osiguranja bez obzira na godine života.

U u ovom izvještajnom periodu smo istrajali na kontinuiranim mjerama štednje u potrošnji papira, kancelarijskog materijala, kopiranja i umnožavanja (koje je isključivo u vlastitoj režiji) i svih drugih sitnih rashoda. Vozni park općine korišten je racionalno i u okvirima predviđene potrošnje.

U u ovom izvještajnom periodu u Bosanskoj Krupi je obezbijeđeno besplatno pravno savjetovanje iz oblasti građanskih prava. Besplatna pravna pomoć građanima se pruža u zgradi Općine Bosanska Krupa, jednom mjesečno, od 9,00 sati. U svrhu pružanja besplatne pravne pomoći Općina Bosanska Krupa je obezbijedila prostor.

U skladu sa Programom rada, u izvještajnoj godini, urađeni su i slijedeći poslovi:

- nastavili sa održavanjem svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- u oblasti rekonstrukcije puteva nastavili sa započetim projekatima rekonstrukcije puteva, te radili na novim projektima,
- radilo se na stvaranju energetski efikasne općine, koja će i na tom polju biti u stanju nositi se sa evropskim standardima,
- radilo se na završetku izrade informacionog sistema za praćenje svih projekata na nivou lokalne zajednice,
- u cilju obezbjeđenja finansijskih sredstava za realizaciju projekata, radilo se na izradi projektnih aplikacija i apliciranje prema međunarodnim organizacijama i donatorima, kroz brojne projekte na nivou BiH, ali i u okviru prekogranične saradnje,
- kontinuirano se radilo stručnom osposobljavanju i usavršavanju uposlenika, i dalje smo davali punu podršku lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja, nastavku primjene programa štednje u organima uprave i drugim institucijama i organima koji se finansiraju iz budžeta općine,
- radili smo na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd, inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice,
- konstantno se radilo na praćenju stanja priprema za zaštitu i spašavanje od prirodnih i drugih nesreća na području općine i preduzimale pravilne, stručne, efikasne i blagovremene mjere, sa Uredom BHMAC-a kontinuirano se radilo na predlaganju i praćenju projekata deminiranja, tehničkog izviđanja i trajnog obilježavanja rizičnih površina od mina na području općine,

- vršeno je prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; obavljani su i poslovi: praćenje klimatoloških prilika na području općine (mjerjenje temperaturne vrijednosti zraka, praćenje vodostaja svih rijeka, snježnog pokrivača, praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara); konstantno se koordiniralo i pružala pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća, pratile klimatološke prilike na području općine (mjerjenje temperaturne vrijednosti zraka, praćenje vodostaja svih rijeka, te snježnog pokrivača).
- nastavili smo sa realizacijom obaveza utvrđenih Memorandumom o saradnji u projektu PRO-Budućnost. Projekt provodi CRS (Catholic Relief Services) u saradnji sa Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana. Cilj projekta je izgradnja povjerenja među građanima svih etničkih skupina u Bosni i Hercegovini.

Ključna oblast za općinu je bila i ostala komunalna problematika, kao osnova jedinice lokalne uprave. Održavanje puteva, gradskih ulica i drugih javnih površina obavljalo se najkvalitetnije, a u skladu sa raspoloživim sredstvima u ljetnom i u zimskom periodu. Napominjemo da je proširena mreža puteva koji su obuhvaćeni ljetnim i zimskim održavanjem. Potpisan je sporazum o održavanju dijela lokalnih i nekategorisanih cesta u sklopu zimske službe sa mjesnim zajednicama u skladu sa Programom zajedničke komunalne potrošnje. toku izvještajnog perioda u prostornoj oblasti obavljali su se poslovi planiranja i uređenja prostora, priprema i provođenje planskih akata, analiza postojeće prostornoplanske dokumentacije i iniciranje njene izmjene, vođenje upravnog postupka u predmetima izdavanja urbanističke saglasnosti, odobrenja za građenje i upotrebu objekata.

Tokom 2019. godine na području općine Bosanska Krupa obavljeno je 210 vjenčanja. Ukupno je provedeno 74 postupaka odobravanja jednokratne novčane pomoći porodicama u skladu sa Pravilnikom o visini i načinu isplate jednokratne novčane pomoći porodicama.

U 2019. godini općinske službe za upravu realizovale su veliki broj poslova i zadataka, a obim i efikasnost u rješavanju zaprimljenih predmeta u upravnom rješavanju će biti prikazan u posebnom izvještaju o radu Jedinostvenog općinskog organa uprave općine Bosanska Krupa za 2019. godinu i bit će razmatran kao posebna tačka dnevnog reda na sjednici Općinskog vijeća.

Kako je Općinski načelnik zajedno sa službama u najvećoj mjeri predlagač akata iz Programa rada Općinskog vijeća Bosanska Krupa, pravovremeno i maksimalno efikasno pripremali smo predmetne materijale kojih je u izvještajnom periodu bilo 78. Naravno, osim planiranih aktivnosti u ovom segmentu, Općinsko vijeće razmatralo je i nove normativne i druge akte za čijom izradom se ukazala potreba. Osim toga, svi općinski propisi su se redovno usklađivali, na nivou svake službe, sa izmjenama i dopunama zakonske regulative.

Međusobni odnosi Općinskog vijeća većinom su se zasnivali na principima međusobnog uvažavanja i saradnje, mada je ponekad to izostajalo, uz pojedinačnu odgovornost za ostvarivanje vlastitih nadležnosti i zajedničku odgovornost za funkcionisanje i razvoj općine. Kroz vlastiti angažman, koordinaciju i usmjeravanje rada službi općinske

uprave, drugih organa i komisija, urađen je najveći dio posla i obaveza u izvršavanju odluka i zaključaka Općinskog vijeća.

Također su uzeli aktivno učešće i u radu Saveza općina i gradova FBiH, te nastavili saradnju sa drugim općinama i gradovima, kako u zemlji tako i u inostranstvu.

V LOKALNI EKONOMSKI RAZVOJ I POLJOPRIVREDA

Tokom 2019. godine, kao i ranijih godina nastavljene su aktivnosti oko stvaranja što povoljnijeg poslovnog ambijenta, radi ulaganja domaćeg i stranog kapitala na području općine Bosanska Krupa, kao i otvaranja novih radnih mjesta. Naša općina je prepoznatljiva općina po povoljnom poslovnom okruženju, a posebnu pažnju zaslužuje širok spektar pogodnosti koje su omogućene investitorima.

Kontinuirano radimo na iznalaženju potencijalnih investitora koji su spremni ulagati na području naše općine, a cilju poboljšanja ekonomskog razvoja općine Bosanska Krupa, što se ogleda kroz slijedeće:

- organiziramo sastanke sa privrednicima, putem Privrednog savjeta, radi otklanjanja prepreka za razvoj privrede i nova zapošljavanja,
- dajemo finansijsku podršku,
- promoviramo razvoj poduzetništva i obrta,
- aktivno saradujemo sa privatnim sektorom i iznalazimo nove mogućnosti za poboljšanje ambijenta za razvoj poduzetništva, kreiranjem budžeta i programa utroška sredstava težimo da se dio socijalnih izdvajanja pretvori u poduzetničku podršku,
- dajemo značaj vlastitom učešću poljoprivrednih proizvođača i poduzetnika,
- pružamo maksimalnu podršku lokalnom biznisu s ciljem da u najkraćem roku i na jednom mjestu poduzetnik riješi svoje zahtjeve, koji se tretiraju kao zahtjevi visokog prioriteta u radu općinskih službi,
- pružamo podršku postojećim poslovnim djelatnostima i motivišemo potencijalne poduzetnike na što ranije započinjanje novih poslova,
- u budžetu i programima planiramo podsticaje za razvoj start up biznisa i poljoprivrede radi motivisanja građana za otpočinjanje vlastitog biznisa,
- gradimo infrastrukturu u poslovnoj zoni,
- radi ponude zainteresovanim investitorima identificirali smo slobodne lokacije za gradnju,
- poduzimamo aktivnosti oko izmjene prostorno-planske dokumentacije, kako bi stvorili što povoljnije uslove za razvoj privrede,
- radimo na realizaciji programa razvoja turizma i korištenja turističkih potencijala, radimo na jačanju veza sa stanovništvom u dijaspori i dr.

Također, nastojimo intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijedili egzistenciju sebi i svojoj porodici.

U toku 2019. godine urađeni su: Plan proljetne sjetve, Izvještaj o realizaciji plana proljetne sjetve, Izvještaj o žetvi, Plan jesenje sjetve i Izvještaj o realizaciji plana jesenje setve.

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka

kojom se bavi najveći broj gazdinstava. Uz proizvodnju mlijeka prisutni su i razvijaju se i drugi vidovi poljoprivredne proizvodnje kao što je proizvodnja mesa, proizvodnja povrća na otvorenom i zatvorenom prostoru, proizvodnja maline dr.

U 2019. godini u skladu sa Pravilnikom o vrsti, kriterijima i načinu ostvarivanja prava na novčane podrške za razvoj poljoprivrede iz Budžeta Općine za 2019. godinu provedena je procedura za 197 podnosioca zahtjeva za općinske novčane podrške, a u skladu sa Pravilnikom o novčanim podrškama za 2019. godinu, koji su pozitivno riješeni.

Uporno, kontinuirano i svesrdno zalaganje Općine Bosanska Krupa na unapređenju i poboljšanju ambijenta za ulaganja postalo je prepoznatljivo obilježje ove lokalne zajednice.

BFC SEE — BUSSINES FRIENDLY CERTIFIKATE Dodjelom certifikata za povoljno poslovno okruženje, Bosanska Krupa je dobila regionalni rang konkurentnosti i kvaliteta usluga i kvalificirao se za podršku donatora i aktivniju promociju na regionalnom i međunarodnom nivou. Ocjena za prostor koji je prijateljski posvećen stranim i domaćim investitorima, podvrgnut je nadzornoj provjeri kojom prilikom su ažurirane baze podataka, evidencije, web stranice, postupci i procesi.

U toku izvještajnog perioda Općina Bosanska Krupa je u bila u postupku BFC recertifikacije. Proces je uspješno završen. Prema Konačnom evaluacijskom izvještaju postignut je napredak od 87,33%. Čime se Općina Bosanska Krupa ističe kao primjer dobre prakse u strateškom pristupu lokalnom ekonomskom razvoju: strateškom planiranju i realizaciji strategije, dijalogu javnog i privatnog sektora, razvoju elektronske uprave, upravljanju budžtom, brzinom i kvalitetom administrativnih usluga.

Projekt MEG – shodno potpisanom sporazumu i dinamici koja je usvojena od strane UNDP-a u periodu januar – mart su se nastavile aktivnosti u procesu procjene u okviru MEG projekta: prikupljanje i dostava podataka i dokumenata. U mjesecu martu izvršena je eksterna evaluacija. Ostvareni indikator napretka od 63% je omogućio Općini Bosanska Krupa da povuče iznos grant sredstava u vrijednosti od 133.288 KM za realizaciju infrastrukturnih projekata i 38.521 KM za realizaciju Programa poticaja.

Odluka o subvencioniranju se provodi ali zbog nedovoljnog broja zahtjeva za subvencioniranje stepen realizacije u odnosu na planirana sredstva je manji od 20%. Održan je niz radnih sastanaka predstavnika Službe za upravljanje razvojem, Službe za opću upravu i društvene djelatnosti i Centra za socijalni rad Bosanska Krupa u cilju proširivanja kategorija korisnika subvencija, a kao rezultat pripremljen je i od strane Općinskog vijeća usvojen Program o izmjenama i dopuni Programa subvencioniranja dijela troškova komunalnih usluga vodosnabdijevanja i odvodnje i prečišćavanja otpadnih voda za socijalno ugrožene kategorije stanovništva, također je pripremljen prijedlog odluke o izmjenama i dopunama Odluke koji će Općinskom vijeću biti dostavljen na razmatranje.

Projekt ILO - Završna konferencija ILO projekta održana je 12.02.2019. godine u Bosanskoj Krupi, a zajednička završna konferencija za sve općine bila je u aprilu 2019. godine u Sarajevu. U suradnji sa partnerima pripremljen finalni izvještaj za evaluaciju projekta.

Saradnja sa privrednicima i potencijalnim investitorima ostvarivala se u duhu otvorene i neposredne saradnje. Održavani su sastanci, a Općinski načelnik je tokom godine posjećivao poslovne subjekte u različitim prilikama (planiranje investicija, poslovni rezultati i dr.).

Bitno je naglasiti da Poslovna zona „Pilana“ ima dva nova investitora d.o.o. „Ringspann“ i d.o.o. „Sintex“.

VI OBRAZOVANJE, SPORT, KULTURA, MLADI I NVO SEKTOR

Obrazovanje

U u ovoj, a po redu devetoj godini zaredom, realizujemo projekt stipendiranja svih studenata sa područja naše općine. Za prošlu školsku godinu potpisali smo ugovore sa svim redovnim studentima sa područja naše općine o cjelogodišnjem stipendiranju, a u skladu sa kriterijima za dodjelu stipendija, zaključeno je 108 ugovora o stipendiranju. U proteklih devet godina Općina Bosanska Krupa isplatila je 1.635 stipendija za šta je iz svog budžeta utrošila ukupno 1.256.822 KM.

Općina je i u ovoj izvještajnoj godini sufinansirala prijevoz učenika putnika koji pohađaju srednju školu i to: za djecu bez jednog ili oba roditelja, subvencioniranje prijevoza za sve učenike putnike u visini od 30%, za djecu bez jednog roditelja obezbijedili subvenciju od 50%, a bez oba roditelja prijevoz se finansira u iznosu od 100 %. Subvenciju putnih troškova koristilo je 32 od ukupno 102 gimnazijalca i 228 od ukupno 471 učenika mješovite škole.

Također smo nastavili smo sa realizacijom projekta kupovine i dodjele udžbenika djeci iz socijalno ugroženih porodica. Proteklih godina u budžetu Općine planirana su sredstva za po petnaest kompleta novih knjiga i na taj način je stvoren revolving fond. Svaki učenik koji sačuva knjige i vrati ih naredne školske godine dobija drugi komplet.

U izvještajnom periodu smo radili i na održavanju školskih objekata, podržali sve manifestacije osnovnih škola.

Sport

U Budžetu Općine Bosanska Krupa osigurana su sredstva za rad i sufinansiranje programa različitih sportskih klubova i udruženja, te redovnu djelatnost Sportskog saveza općine. Redovna djelatnost i sportske aktivnosti udruženja iz oblasti sporta (su)finansirane su sredstvima Budžeta za 2019. godinu. Općina Bosanska Krupa kontinuirano prati stanje sportske infrastrukture.

Subvencionirali smo sportske manifestacije, takmičenja i turnire.

Kultura

U izvještajnom periodu u oblasti kulture, koja obuhvata sve oblike stvaralaštva, prenošenja i očuvanja kulturnih vrijednosti, Općina je većinu svojih aktivnosti usmjerila na stvaranje mogućnosti za razvoj kulturnih djelatnosti i obezbjeđenje uslova za stvaranje, prenošenje i dostupnost kulturnih vrijednosti građanima općine Bosanska Krupa.

Nastavljena je neposredna saradnja sa ustanovama i institucijama kulture u realizaciji utvrđenih i usvojenih projekata i programa, a vršen je i nadzor nad njihovom realizacijom.

I u izvještajnoj godini, kao i u godinama iza nas, na području općine odvijale su se raznovrsne kulturne aktivnosti od kojih ćemo istaći najznačajnije.

Uspješno je realizovan porojekt "Bosanska Krupa - grad malih sajмова", organizovani su sajmovi knjiga, organske proizvodnje, ljekobilja i meda, te sajam narodnih rukotvorina. Održan je i peti po redu Novogodišnji sajm. Obilježena je i dječija Nova godina uz druženje s Djeda Mrazom i podjelom novogodišnjih paketića. Kako i nekoliko posljednjih godina organizovan je doček Nove godine na otvorenom.

Općina Bosanska Krupa je učestvovala i na međunarodnom sajmu turizma Alpe-Adria u Ljubljani. Od 30. januara do 2. februara. Općina, Zabavni park „Zeleni otoci“, restoran „Makaba“, te restoran i pansion „Zlatna nit“. Osim svojih usluga, koje se odnose na rafting, planinarenje, biciklizam, ugostiteljstvo, promovisali su sve ljepote i mogućnosti Bosanske Krupe kao potencijalne turističke destinacije.

Kao i svake godine, obilježeni su svi značajni datumi: Dan nezavisnosti BiH, Dan IDČ "Faraoni", Dan Armije R BiH, Dan otpora agresiji na općinu Bosanska Krupa, Dan oslobađanja Kobiljnaka, Dan prve zakletve TO, Dan Patriotske lige BiH, Godišnjica pogibije komandanta Mirsada Crnkića, Bitka za Osmaču, Dan oslobađanja Čojluka, Dan genocida u Srebrenici, Obilježavanje bitke za Crkvinu, Dan 511. Slavne bbr., Dan šehida, Dan oslobođenja Bosanske Krupe, Dan slamanja ofanzive na Plavno i Joju, Dan uspostavljanja mostobrana Ostružnica, te Dan državnosti BiH. U okviru septembarskih dana slobode održane su i radničke sportske igre.

Održana je 49. Likovna kolonija Krušnica, općinska smotra znanja i sposobnosti, 25. Književni susreti „Stazama djetinjstva“ Bosanska Krupa, memorijalni turniri Čojluk, Mirsad Crnkić i Crkvina. I u 2019. godini Općina je uzela znatno učešće međunarodne Una regate. Održani su i Unski lađari na jednom visokom nivou i uz veliki broj učesnika i posjetilaca.

Na svečan i dostojanstven način obilježeni su septembarski dani slobode i 17. septembar - Dan općine Bosanska Krupa. Proslava godišnjice od formiranja 511. slavne bbr. je održana uz prisustvo velikog broja boraca i građana.

Upriličena je i deseta po redu „Večer sevdaha“, također je održana i 12. Regionalna smotra horskog stvaralaštva i 12. Regionalna smotra folklornog stvaralaštva, uz znatan angažman nosioca projekta KUD „Grmeč“ kao i Međunarodni festival folklora u Bosanskoj Otoci uz KUD „Mladost“.

Sredstvima Budžeta Općine Bosanska Krupa za 2019. godinu (su)finansirani su programi institucija i udruženja iz oblasti kulture i to:

- KUD „Grmeč“ Bosanska Krupa,
- KUD „Mladost“ Bosanska Otoka,

- KUD „Stari grad“ Bosanska Krupa,
- KUD „Jezerki“ Jezerki,
- JU „Centar za kulturu, obrazovanje i informisanje“ Bosanska Krupa.

Po prvi put ove godine smo organizirali Bajramski koncert i MEGGLE Zimsku priču.

Mladi

Nastavili smo sa realizacijom programa Omladinska banka, potpisan Sporazum o saradnji i Deklaracija Mreže omladinskih banaka u okviru programa „Omladinska banka BiH“. Po okončanom Pozivu Omladinske banke Bosanska Krupa za podršku projektima neformalnih grupa mladih potpisani su Ugovori sa 19 neformalnih grupa. Od ukupno 19 odobrenih projekata, 18 neformalnih grupa je uspješno realiziralo svoje projekte, dok je jedna neformalna grupa odustala od projekta, a dodijeljena sredstva su vraćena. Ukupna vrijednost projekata je 39.450,35 KM, od kojih je Općina Bosanska Krupa izdvojila 13.608,21 KM, a Fondacija Mozaik 9.072,14 KM, dok je doprinos neformalnih grupa iznosio 16.770,00 KM.

Također smo nastavili sa realizacijom Sporazuma za realizaciju programa omladinskih start-up biznisa potpisanim sa Insitutom za razvoj mladih KULT. Međutim, tri puta smo raspisivali javne pozive za finansiranje najboljeg omladinskog start up biznisa. Samo po jednom Javnom pozivu je zaprimljena prijava od koje je kandidat naknadno odustao.

Ovaj program ima za cilj poboljšanje i jačanje mehanizma podrške omladinskom preduzetništvu u lokalnoj zajednici, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima. Ideja koja se prijavljivala morala se obraditi kao biznis plan u bilo kojoj djelatnosti osim trgovine i ugostiteljstva, izuzev originalnih ideja vezanih za turizam i domaće proizvode, pod uslovom da se realizuje na području općine Bosanska Krupa.

Već dvanaestu godinu zaredom sa Udruženjem Infohouse se realizuje projekt Volontiraj-kreditiraj čiji cilj je da se svake godine pruži prilika mladima da u radnoj sredini steknu nova iskustva koja će biti od praktičnog značaja u njihovoj profesionalnoj budućnosti, zarade novac i odluče o raspodjeli sredstava s ciljem razvijanja odgovornosti i brige za druge. Općina Bosanska Krupa je i ove godine u Jedinstveni općinski organ uprave primila tri učenika.

U izvještajnoj godini iz Budžeta Općine sufinansirani su i projekti/programi za mlade. Podržane su sve manifestacije koje su organizovali mladi, a održana je i tradicionalna Maturijada za srednjoškolace.

Omladinska banka - Kroz dva Javna poziva Omladinske banke Bosanska Krupa za podršku projektima neformalnih grupa mladih ukupno je 19 projekata realizirano. Ukupna vrijednost projekata je 33.499,70, od kojih je Općina Bosanska Krupa izdvojila 13.106,22, a Fondacija Mozaik 8.738,61 KM, dok je doprinos neformalnih grupa iznosio 11.654,87 KM.

Kroz program Omladinske banke podržana su i dva mikrobiznisa čije je ukupna vrijednost iznosila 3.988,60 KM.

Takođe su se sufinansirali projekti iz Granta za mlade za dvije neformalne grupe mladih čija je ukupna vrijednost iznosila 2.750,00 KM.

Iz Budžeta Općine tokom izvještajne godine subvencionirali smo prijem volontera u javna preduzeća i javne ustanove.

NVO sektor

Projekte, programe, te rad Udruženja roditelja djece sa posebnim potrebama „Ada“ Bosanska Krupa, Udruženja Reis „Džemaludin Čaušević, Udruženje „Aktiv žena“ Otoka, Udruženje „Vakat“ Jezerski, Udruženje dijabetičara Bosanska Krupa, Udruženje pčelara „Lipa“, Udruženje planinarsko društvo „Grmeč“, humanitarna udruženja i Crveni križ, kao i drugih nevladinih organizacija smo sufinansirali iz Budžeta Općine.

Realizovan je Projekt izgradnje, odnosno proširenja i uređenja već postojeće igraone, realizirali su Dino Bešlagić i Dino Zjakić iz UR Zabavni park „Zeleni otoci“. Vrijednost projekta je 17 hiljada KM što su osigurali Federalno ministarstvo okoliša i turizma, Općina Bosanska Krupa i bosanskokrupski privrednici.

Sredstvima Budžeta Općine su/finansirani projekti NVO i neformalnih grupa mladih. Vrijednost projekata, odnosno svih ugovora, 11 ispred udruženja i 2 ispred neformalnih grupa mladih, iznosi 17 hiljada KM.

Također su sredstvima Budžeta Općine je sufinansiran projekt adaptacije prostora Udruženja žena „Jasminka Čaušević“ u Arapuši, čijom realizacijom su se udruženju stvorile mogućnosti za rad.

Kroz projekt Omladinski start-up biznisi, kao i prethodnih godina i ove godine su potpisani ugovori sa tri aplikanta za projekte „Wellness&beauty studio“ Amre Nahić, Ribnjak „Kemin potok“ Dženate Elezović i „Pakovanje ugostiteljskog šećera“ Ibrahima Gorinjca. Tri omladinska start up biznisa su podržana sa ukupno 8.000,00 KM.

Podržane su sve manifestacije koje su organizovali nevladina udruženja.

Penzioneri

U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima kao pripadnicima najugroženije kategorije stanovništva u općini, iz sredstava Budžeta Općine Bosanska Krupa za 2019. godinu, kao i prošle godine, socijalno ugroženim penzionerima tokom čitave godine dodjeljivana su sredstva za jednokratne pomoći za nabavku ogrjeva, prehrane i drugih nužnih potreba. Pored navedenog finansijski je potpomognut rad i aktivnosti ovog Udruženja.

Boračka populacija u konceptu lokalne samouprave

U oblasti dopunskih prava branilaca i članova njihovih porodica Odluka o općinskim administrativnim taksama je u potpunosti primjenjena na ove kategorije. U izvještajnom periodu radili smo na održavanju šehidskih spomen obilježja, spomen sobe, šehitluka. U cilju olakšanja rada boračkih udruženja obezbijeđeno je korištenje općinskih prostorija bez naknade. Obezbijeđena su nužna sredstva:

- za funkcionisanje boračkih udruženja,

- za rješavanje stambenih potreba najugroženijih,
- za jednokratne pomoći.

Osim navedenog subvencionirali smo sve manifestacije, te programe iz ove oblasti.

VII INFRASTRUKTURA - PROJEKTI

Investiciona ulaganja na području općine.

Pregled najvažnijih realiziranih kapitalnih projekata u 2019. godini:

R/b	NAZIV PROJEKTA	UKUPNA VRIJEDNOST
1.	Usluge uništavanja korova na dijelu parcele bivšeg DD Krupatransa	5.000,00
2.	Regulacija potoka Kalender XIV faza	47.903,71
3.	Izrada glavnog projekta interne saobraćajnice sa kom.infr.u PZ V.Mlin	6.857,08
4.	Radovi na uklanjanju razrušenih i oštećenih objekata u krugu bivšeg DD Krupatransa	32.890,45
5.	Izrada glavnog projekta regulacije potoka Kamarica	5.031,00
6.	Nabavka i isporuka vodovodnog materijala za proširenje gradske vodovodne mreže – III Faza	32.107,14
7.	Nabavka i montaža metalne bine za potrebe Doma kulture u Jezerskom	6.271,20
8.	Nabavka i ugradnja video nadzora na objektu BSC u PZ Pilana	6.521,00
9.	Sanacija drvenog pješačkog mosta „Mlinovi“ na rijeci Uni u B.Krupi	249.554,80
10.	Radovi na obnavljanju kolničkog zastora (udarne rupe)	24.929,54
11.	Proširenje telemetrijskog sistema	111.516,21
12.	Nabavka i isporuka vodovodnog materijala za proširenje sekundarne vodovodne mreže u MZ Pištaline, Jezerski, M.Selo	42.389,10
13.	Radovi na sanaciji klizišta na putnoj komunikaciji Otoka-Crkvina (Mračaj)	29.510,50
14.	Nabavka i ugradnja sigurnosne ograde kraj pruge u Bos.Otoci	9.594,00
15.	Radovi na čišćenju korita i obala potoka Kalender	2.885,20
16.	Izrada studije opravdanosti zamjene postojeće javne rasvjete LED svjetiljkama u B.Krupi	6.000,00
17.	Sanacija mosta na Unadžiku – komunikacija prema SRC Ada	18.050,19
18.	Usluge čišćenja neuredne parcele u PZ Pilana	4.212,00

19.	Radovi na čišćenju odrona i druge aktivn. vođene na spreč. od poplava	2.282,67
20.	Sanacija i rekonstrukcija klizišta Veliki Badić - Zelenike	14.086,80
21.	Radovi na izgradnji glavnog-sekundarnog cjevovoda Mašinovići (Jezerski) prema Pištalinama	21.095,69
22.	Radovi na izgradnji sekundarne vodovodne mreže u MZ Jezerski, M.Selo,Pištaline	34.714,22
23.	Radovi na sanaciji ulaza i okoliša ispred objekta BSC u PZ Pilana	6.435,00
24.	Radovi na izgradnji dijela sekundarne vodovodne mreže u sjevernom dijelu općine (Vrletnica i Beščića brdo)	33.848,10
25.	“Radovi na sanaciji i rekonstrukciji klizišta i odrona uz ceste (Tečija, ul.Omladinska, Gulanova okuka, ul.Prvomajska i V.Badić)	60.829,65
26.	Radovi na obnavljanju kolničkog zastora (udarne rupe)-dio ugovora	17.576,18
27.	Izgradnja memorijalnog spomen obilježja Čojluk - dio ugovora	90.932,40
28.	Izgradnja interne saobraćajnice sa komunalnom infrastrukturom u obuhvatu PZ Vatrene mlin-Faza I-II MEG - dio ugovora	50.003,48
29.	Radovi na prenosu sekundarnog cjevovoda i vodovodnih priključaka sa azbestnocementnog na PHD cjevovod u ul.Prvomajska - MEG - dio ugovora	26.873,26
30.	Izrada projektne dokumentacije za put Zalin	4.300,00
31.	Izrada tehničke dokumentacije za sanaciju klizišta Kosa, putni pravac Križ-Jezerski (LOT-1)	8.541,00
	UKUPNO	1.012.741,57

PUTNA INFRASTRUKTURA

	NAZIV PROJEKTA	UKUPNA VRIJEDNOST
	ZAVRŠENI UGOVORI:	
1	Sanacija i rekonstr.dijela lokalnih cesta u općini Bos.Krupa (dio puta Lisnik MZ Ostružnica i dio puta Nezirovac MZ Pištaline)	19.446,57
2	Sanacija i rekonstr.dijela lokalnih cesta u općini Bos.Krupa (Zahum II, G.Zalug, D.Zalug, ul.B.Grada, Lamele, Bečkani, Mehića ploča)	89.245,51
3	Sanacija i rekonstr.dijela lokalnih cesta u općini Bos.Krupa (Badić, Pučenik, Zalug, Arapuša, Perna, M.Radić)	61.636,58
4	Asfaltiranje puta Omerovići – Bosanskih Šehida u MZ Pištaline	45.073,08
5	Rekonstrukcija i asfaltiranje dijela ul.Generala Mirsada Sedića	88.652,03
6	Rekonstrukcija i asfaltiranje dijela puta V.Badić-Mustelji	55.733,04
7	Sanacija i rekonstrukcija dijela ulica i lokalnih cesta u Bosanskoj Krupi (Hum,Sivići, SRC, Kobiljnjak, Prvom. Uzune,Kej,SP38,Tarla)	43.278,75
8	Sanacija, rekonstrukcija i asfaltiranje dijela lokalnih cesta u MZ Mahmić Selo, Jezerski, Ljusina i Pištaline	15.360,58
	UKUPNO:	=418.426,14

Ostali poslovi		
R.br.	Redovni poslovi ZKP-a	KM
1.	Čišćenje javnih saobraćajnih površina u naseljima	21.000,00
2.	Zimska služba (redovno održavanje i dio nekateg.cesta)	81.655,00
3.	Zimska služba JKP	167,00
4.	Održavanje i uređivanje javnih zelenih površina	53.114,00
5.	Odvođenje atmosferskih voda	2.595,00
6.	Održavanje i izgradnja javne rasvjete	276.631,00
7.	Dekorisanje grada	18.831,00
8.	Održavanje lokalnih i nekategorisanih puteva	30.885,00
9.	Nepredviđene i hitne intervencije na putevima	9.594,00

OSTALI POSLOVI

10.	Nepredviđene i hitne intervencije u oblasti voda	4.992,00
11.	Uklanjanje bespravno izgrađenih objekata i izrada tabli	958,00
12.	Sanacija udarnih rupa	42.506,00
13.	Izdaci za električnu energiju pumpnih stanica vodovoda	5.804,00
14.	Usluge uništavanja korova na dijelu parcele bivšeg DD Krupatransa, čišćenje PZ Pilana od korova	9.212,00
15.	Usluge nadzora nad izvođenjem radova	13.806,00
16.	Radovi na čišćenju odrona od poplava	2.283,00
	UKUPNO	574.033,00

Pored ulaganja u kapitalne projekte radili smo i ulagali u realizaciju drugih projekata i to:

➤ **Projekt „Povećanje konkurentnosti radne snage na prostoru općine Bosanska Krupa“**

Kroz projekt je ukupno mobilizirano 90 osoba za obuku, a 52 osobe su uspješno završile program obuke i stekle certifikate (42 osobe) za zanimanje zavarivač (CERTIFIKAT EN ISO 9606-1 (EN 287-1), te su se zaposlile u firmama koje su partneri projekta.

Projekt je implementirala Općina Bosanska Krupa u saradnji sa partnerima: PLOD Centar Bihać, JU Mješovita srednja škola „Safet Krupić“, JU Služba za zapošljavanje Unsko-sanskog kantona i preduzećima: Novi Most, ACMA, Krupa Kabine, BOSANKAR i ZAH.

➤ **Projekt MEG: Poticajna sredstva za postojeće privrednike i samozapošljavanje**

Oko 160.000,00 KM poticajnih sredstva je dodjeljeno firmama od čega je Općina u budžetu osigurala 80.000,00 KM a MEG projekt 80.000,00 KM: d.o.o. „Krupa kabine“, OSR „Stolarija Suljić“, d.o.o. „Ibrahimović“, d.o.o. „CNC N&K“ Tehnik Centar, d.o.o. „Sigurna ruka,“ d.o.o. „ATNH“ Bosanska Krupa, d.o.o. „HOLZ TRANSPORTI“ Bosanska Krupa, d.o.o. „H-SAAM“ BOS.KRUPA, d.o.o. „AKM-TECHNOLOGY“ Bosanska Krupa, Domaća radinost „Farma Šabić, Domaća radinost „Alukić Mirsad“, Obrtnička radnja „Crni“, Obrtnička radnja vulkanizer „D&H“ Šertović Edin i d.o.o. „Hir 96“ Bosanska Krupa. Sredstva za pokretanje vlastitog biznisa, odnosno za samozapošljavanje dobio je Anes Kajtezović.

➤ **Od strane Federalnog ministarstva razvoja, poduzetništva i obrta odobrena je aplikacija naše Općine i za unapređenje „Pilane“ Općina je dobila 136 hiljada KM**

Za izgradnju interne saobraćajnice, oborinske kanalizacije i ugradnju termo fasade na objektu Centra za podršku poduzetništvu u Poslovnoj zoni „Pilana“ „Modernizacija PZ Pilana – Plan 500+“ naziv je projekta s kojim je Bosanska Krupa aplicirala krajem oktobra ove godine. Ukupna vrijednost projekta je 242.320,18 KM, od čega je Općina u budžetu osigurala 105.990,18 KM.

- **U saradnji sa CRS (Catholic Relief Services) pomagali smo povratnike i raseljene osobe**
Sa četiri povratnika/raseljena lica iz Bosanske Krupa: Irfan Ramić, Ramiza Hukanović, Šeherzada Rekić i Hasan Hrnčić potpisani su ugovori o pružanju podrške u svrhu ekonomskog osnaživanja.
10.109,01 KM od kojih je CRS osigurao 8.087,21 KM, a Općina Bosanska Krupa ostatak, bit će utrošeno za podršku četiri osobe i njihove porodice. Jednoj osobi se implementiralo u vidu novčane podrške, a ostalima nabavkom koka nosilja za proizvodnju konzumnih jaja, zatim usisivača za dubinsko čišćenje, te plastenika za poljoprivrednu proizvodnju.
- **Nastavljene su i aktivnosti na uređenju deponije Meždre – Vlaški do**
Prva faza projekta „Održivo upravljanje otpadom“, koja je završena u februaru izvještajne godine, vrijednosti 159.600 KM. Finansirana je od strane SDC-a i UNDP-a (78.450 KM) i općina: Bosanka Krupa (34.377 KM), Cazin (34.377 KM) i Bužim (9.696 KM).
- **Projekt izgradnje Centra za upravljanje otpadom**
Općina Bosanska Krupa je putem javnog poziva Federalnog ministarstva okoliša i turizma, za izgradnju Centra za upravljanje otpadom na deponiji Meždre – Vlaški Do, osigurala 54.216,75 KM.
- **Radovi na zaštiti „Malih ada“ u Bosanskoj Krupi**
Radovi na zaštiti “Malih ada”, kompleksa od osam riječnih ostrva povezanih drvenim mostovima, podrazumijevaju postavljanje šipova, zasipanje obala prirodnim materijalima, humusiranje i uređenje prilaza rijeci Uni.
Vrijednost ugovora za radove u svrhu zaštite riječnih ostrva je 198.858,59 KM hiljada KM i to je u cjelosti osigurala Agencija za vodno područje rijeke Save.

VIII JAVNOST I TRANSPARENTNOST RADA

Jedno od značajnih pitanja u radu Općinskog organa uprave je i pitanje transparentnosti rada i dostupnosti informacijama građanima, privrednim subjektima i drugim subjektima o pitanjima za koje imaju interes. Ono se ogleda u dosljednoj primjeni Zakona o slobodi pristupu informacijama, učešću javnosti u svim postupcima za koje je zakonom propisano uključivanje javnosti (javni uvid, javne rasprave, i sl.), provođenje anketa, primjedbe, prijedlozi i mišljenja.

U jednoj lokalnoj zajednici stepen ostvarene demokratičnosti mjeri se, između ostalog, i učešćem građana u procesu donošenja odluka koje su od općeg interesa. Kako bismo osigurali osnovne pretpostavke za uključivanje građana u ove procese, trudili smo se u proteklom periodu da kontinuirano izvještavamo o svim aktivnostima općinskog organa uprave, a uspostavljali smo i alate dvosmjerne komunikacije kako bi se čuo glas građana.

Naš cilj je od građana dobiti povratne informacije. Stoga, građane pozivamo da putem alata komuniciranja (društvene mreže, web-stranica Općine, kutija za komentare i žalbe u prijemnoj kancelariji itd.) iskažu svoje mišljenje, sugestiju, kritiku ili primjedbu koja se odnosi na rad općinskih službenika.

Službena web-stranica je redovno ažurirana, redovno se na adrese pedesetak najznačajnijih medijskih kuća i novinara šalju informacije iz Općine, svakodnevno smo bili na usluzi novinarima i dr.. Sve one inicijative, sugestije, prijave, pohvale i kritike koje su dobronamjerno napisane kako bismo zajedno gradili sigurnije i uređenije okruženje, pratimo, čitamo i bilježimo. Svaka anonimna prijava je zaprimljena i bila je predmet postupanja i intervencije. Svim građanima koji žele ostati anonimni garantiramo anonimnost.

Svakodnevnim aktivnostima omogućili smo građanima da utječu na donošenje ključnih odluka i uopće na kvalitet svog života. Učešće javnosti u postupku izrade i donošenja odluka, planskih i razvojnih dokumenata osigurano je pružanjem uvida u nacрте, putem javnih rasprava, objavama u sredstvima javnog informisanja, te putem web stranice Općine Bosanska Krupa.

Osim navedenih aktivnosti i koordinacije rukovođenja općinskim službama, općinski načelnik se neposredno angažovao i na rješavanju drugih pitanja iz nadležnosti lokalne zajednice i od značaja za građane, privredne i druge subjekte, te brži razvoj lokalne zajednice u cjelini. Nastavili smo dobru saradnju sa Međunarodnim fondom za poljoprivredni razvoj (IFAD) - Uredom za koordinaciju projekata u poljoprivredi F BiH i Fondacijom za održivi razvoj (OdRaz), Razvojnog, Svjetskom (WB), Evropskom investicionom bankom (EIB), kantonalnim i federalnim ministarstvima.

Pored navedenog tokom izvještajnog perioda održao se i niz sastanaka s građanima, predstavnicima pravnih i fizičkih osoba, ustanova, udruženja, zainteresiranih potencijalnih investitora.

IX ZAKLJUČAK

Iako su u ovom izvještajnom periodu urađeni planirani poslovi, kao i mnogo poslova koji su se u toku godine pojavili kao prioritetni, treba naglasiti da se susrećemo sa mnogim problemima u radu, te s toga u narednom periodu očekujem i nadam se većoj saradnji i podršci od strane Općinskog vijeća na realizaciji zajedničkih projekata. Podneseni Izvještaj o radu općinskog načelnika Općine Bosanska Krupa za 2019. godinu sadrži prikaz poslova i zadataka iz nadležnosti Načelnika kao izvršnog organa Općine Bosanska Krupa. Općinski načelnik je uz stručnu, administrativnu i tehničku pomoć službi u Općini Bosanska Krupa, a u okviru finansijskih mogućnosti planiranih Budžetom, u izvještajnom periodu obavljao poslove iz svoje nadležnosti na način koji će osigurati uslove za što kvalitetnije zadovoljavanje lokalnih potreba građana općine Bosanska Krupa, te je stoga u 2019. godini nastojao odgovorno i kvalitetno ispuniti svoju obavezu vođenja izvršnih poslova Općine kao jedinice lokalne samouprave.

Kao i prethodnih godina, Općina Bosanska Krupa će kao jedinica lokalne samouprave biti pokretač aktivnosti u stvaranju i poboljšanju ukupne ekonomske situacije, kroz podršku lokalnom ekonomskom razvoju, javno i transparentno izvršenje budžeta i stvaranje partnerstva između općine, privrednog i nevladinog sektora. Općinski načelnik izražava apsolutno opredjeljenje za ubrzanim razvojem općine Bosanska Krupa. U narednom periodu aktivnosti će biti posebno usmjerene na oblasti privrede i socijalne zaštite kao najopterećenijih oblasti preko kojih građani najviše rješavaju svoje životne probleme. Unaprijedit ćemo poslovanje javnih ustanova, kao i njihovo mjesto i ulogu u razvoju lokalne zajednice, a kapacitete javnih preduzeća ćemo razvijati kao značajan općinski potencijal.

Postoji još mnogo stvari koje bi nekog mogle zanimati o radu Općinskog načelnika i organa uprave i mnogo informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti. Ukupan pogled na rad u 2019. godini valja uzeti u kontekstu vremena i okolnosti, izazova i prilika koji su bile pred svima nama.

Pored planiranih poslova, Općinski načelnik će svoje aktivnosti i dalje usmjeravati i na sva ostala pitanja koja se nametnu kao važna, a sve u cilju da područje općine Bosanska Krupa postane privlačnije za ulaganja, rad, ali i život i perspektivu stanovništva.

*Broj:01/N-14-8296/19
Bosanska Krupa, 15.1.2020.godine*

OPĆINSKI NAČELNIK
Armin Halitović